

LA USC DI LADINS – VENERDÌ 4 GENNAIO 2013

Televizion ladina

La nutizia ie bona: tl dauni puderàl unì auzà da 39 ëura de televizion ladina tla RAI unì ann a cënt ëura al ann. La speranza ie che la facultà data posse nce unì a s'l dé efetivamënter. L'ëures de televizion tudëscia tla RAI ie unides auzedes da 4.716 a 5.300 al ann. Chësc ie unì fat ora tres la cunvenzion 2013-2015 danter la Presidënza dl Cunsëi di Ministri, la Provinzia autonoma de Bulsan y la RAI. Te chësta cunvenzion nueva iel la previjion che la Provinzia de Bulsan se sëurantole la spëises, aldò de cieche l fova unì fat ora tl'Acurdanza de Milan, ulache cërta cumpetënzes che resta pra l Stat vën paiedes dala Regions y dala Provinzies. L unirà mo metù su na Cumiscion paritetica danter RAI y Provinzia per mèter n droa dut cant. La speranza ie che l sibe nce la garanzia de pudëi udëi duta la cënt ëura sun dut l raion ladin y che l vënie a s'l dé al plu prësc la redazion autonoma ladina dla RAI.

David Lardschneider